



Inatsisartuni ilaasortaq  
Stine Egede, Inuit Ataqatigiit

**Minamata isumaqatigiisummi aamma Aarhusimi isumaqatigiisutit pillugit § 37 naapertorlugu apeqquteqaammut nr. 297-2018-imut akissut.**

Brevdato: 03-12-2018

Sagsnr.: 2018 - 24418

Akt-id: 9388370

Asasara Stine Egede

Postboks 1614

3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl

www.naalakkersuisut.gl

20. november 2018-imi Naalakkersuisunut Minamata isumaqatigiisummi aamma Aarhusimi isumaqatigiisutit pillugit apeqquteqaateqarputit. Apeqqutit uannut akisassanngorlugit innersuunneqarput.

**1. Naalakkersuisut pilersaaruteqarpat danskit Naalakkersuisuinut saaffiginnissamik, Nunat Tamalaat (FN) ataani Inuit Pisinnaatitaaffinik Siunersuisoqatigiivisa innersuussutaat malillugu, ilaatigut Minamata Konvention aammalu Aarhus Konvention malillugit isumaqatigiisutit nunatsinni atortussanngortinneqarnissaa siunertaralugu?**

Kviksølvimik mingutsitsinerup nunarsuatsinnut siaruarnaveersaartinneqarnissaa Naalakkersuisut pingaartippaat, akuutissaq toqunarluinnartuummat. Minamata-mi isumaqatigiisut aamma Kalaallit Nunaannut atuutilissappat, Kalaallit Nunaannut kingunerisassat Naalakkersuisut paasinialeruttorpaat. Kingunerisassanik paasiniaaneq Naalakkersuisut Kalaallit Nunaata nunap immikkoortuatut atuutsitsiviunnginnerata atorunnaarsinneqarnissaa pillugu Inatsisartut aalajangiiffigisassaannik siunnersuusiortoqassanersoq pillugu naliliisinnaassappata atorneqartussaavoq. Danmarkip isumaqatigiisutit nutaanut akuersinerani Danmarkip aallaqqaammut Kalaallit Nunaata aamma Savalimmiut atuutsitsiviunnginnissaannik nalunaaruteqartarnera nalinginnaasuvoq. Taamatut suleriaaseqarnermi Kalaallit Nunaata Savalimmiullu isumaqatigiisutit ilaatinneqannginnissaat siunertaanngilaq, kisiannili Kalaallit Nunaat Savalimmiullu sinnerlugit Kalaallit Nunaata Savalimmiullu isummerfigisimanngisaannut isumaqatigiisuteqannginnissaq qulakkeermiarneqartarluni. Minamata-mi isumaqatigiisummut tunngatillugu Kalaallit Nunaata nunap immikkoortuatut ilaatinneqannginnerata atorunnaarsinneqarnissaa pillugu aalajangiiffigisassatut 2019-mi siunnersuusiortoqarnissaanut Naalakkersuisut isumminnginnerini, maannarpiaq misissuinerit Naalakkersuisunit utaqinneqarput.

Aarhusimi isumaqatigiisummut tunngatillugu Naalakkersuisut 2014-imi Kalaallit Nunaata nunap immikkoortuatut ilaatinneqannginneranik atorunnaarsitsinermi kingunerisassat pillugit Aarhus Universitet Inatsisilerinermut tunngasunik akissuteqartippaat. Inatsisilerinermut tunngasunik

akissuteqaat Naalakkersuisut nittartagaatigut kikkunnit tamanit takuneqarsinnaavoq. Akissuteqaat inatsisilerinermut tunngasoq immikkoortunik ukuninnga imaqarpoq:

- Nunap iluani inatsimmi piunasaqaatit, Aarhusimi isumaqatigiisummi aalajangersarneqarsimasut naammassineqartussat suunersut ataatsimut nassuiaat.
- Kalaallit inatsisaat akimorlugit piunasaqaatit taaneqartut maanna killiffiinik saqqummiussineq.
- Isumaqatigiisummi ilaatitsiviunngitsut atorunnaarsinneqassappata, maleruagassat suut Inatsisartunit aamma/imaluunniit Naalakkersuisunit akuerineqartussat pillugit nassuiaat.

Inatsisilerinermut tunngasunik akissuteqaammi erseqqissarneqarpoq, Aarhusimi isumaqatigiisut akuersissutigineqassappat, inatsisit assigiinngitsorpassuit allanngortinneqarnissaat pisariaqartussaasoq. Tamatuma saniatigut pisussaaffiit, isumaqatigiisutip nassatarisassaasa allaffissornikkut suliarineqarnissaannut isumalluutini immikkoortitsisoqartussaavoq.

Naalakkersuisunit inuttaasut pisinnaatitaaffii, paasissutissiinissaq akuutitsinissarlu pingaartinneqartorujussuupput. Tamanut sullissinermut inatsimmi (*avatangiisit innarlitsaaliorneqarnissaannik Inatsisartut inatsisaat nr. 9, 22. november 2011-meersoq*) aalajangersakkat siunertaq tamannarpiaq qulakkeerniarlugu atorineqassapput nassuiaatigineqassallutillu.


*Avatangiisit innarlitsaaliorneqarnissaannik Inatsisartut inatsisaata nr. 9-p, 22. november 2011-meersup* suliarineqarneranut avatangiisinut inatsimmi nalinginnaasumi atuuttumi Aarhusimi isumaqatigiisut ilanngunneqarpoq. Tamanna ilaatigut avatangiisinut inatsimmi Avatangiisinut Sunniutissanut Naliliisarnermut (ASN) aamma maalaaruteqarsinnaanermut maleruagassani allassimavoq.

*Aamma aatsitassat pillugit ingerlatallu tamatumunnga pingaarutillit pillugit inatsisartut inatsisaanni nr. 7-imi, 7. december 2009-imeersumi* inuit tamat avatangiisit pillugit paasissutissanik pissarsisinnaanerinut aalajangersakkanik immikkut ittunik atuutsitsisoqarpoq. Aatsitassaqaqarnermik suliasaqaarfimmi ersarissumik paasiuminartumillu iliuseqarnissap, kiisalu innuttaasut siusissukkut akuutinneqartarnerisa aammalu pisortatigoortumik tusarniaanerit ingerlanneqartarnissaasa qulakkeerneqarnissaat tamatumani siunertarineqarpoq.

Tassalu Naalakkersuisut isumaqarput, Aarhusimi isumaqatigiisummi siunertat pingaarnerit avatangiisinut inatsimmut atuuttumut ilaatinneqareersut. Aarhusimi isumaqatigiisutip atuuffii siammassissuupput, nalinginnaasumik avatangiisinut suliasaqaarfittut naatsorsuutigineqartut sinnerujussuarlugit atuuffeqarlutik. Inatsisilerinermut tunngasunik akissuteqaat tunngavigalugu Naalakkersuisut naliliipput, Aarhusimi isumaqatigiisutip tamakkiisumik atuutinneqalernissaanut suliat oqimaassasut allaffissornikkullu isumalluutini pisariaqartitsiviussallutik, taamaattumillu Aarhusimi isumaqatigiisummut akuersinermi pissarsiassat sulianut naleqqiullutik

naleqqutinngeriataarsinnaapput. Tamanna peqqutigalugu Naalackersuisut maannarpiaq Aarhusimi isumaqatigiissummi Kalaallit Nunaata nunap immikkoortuatut atuutsitsiffiunnginneranik atorunnaarsitsinissaq pillugu Inatsisartut aalajangiiffigisassaattut siunnersuummik suliaqarnissamik pilersaaruteqanngillat.

Inussiarnersumik inuulluaqqusillunga



Erik Jensen

Pinngortitamut, Avatangiisinut Iisimatusarnermullu Naalackersuisuugallartog